



Outras consideracións ⁽⁹⁾

ESPECIES: Tendo en conta que nos obxectivos de produción e económicos non figuran as especies *Fucus vesiculosus* nin *Codium tomentosum*, e ante a ausencia de avaliación do recurso, autorízanse as mesmas especies que en anos anteriores: *Laminaria ochroleuca*, *Laminaria saccharina*, *Undaria pinnatifida* e *Saccorhyza polyschides*

Con respecto á **zona de traballo**: para evitar o solapamento co plan de algas das confrarías de Portonovo, Raxó, Pontevedra, Lourizán, Marín e Bueu, o plan debería ter a mesma zona que en anos anteriores, é dicir: **de Punta Couso a Punta Preguntoiro cara ao interior da ría de Aldán**

Para evitar solapamentos co plan de explotación de algas de Cangas, cumpre aclarar que o límite é Punta Couso (42º 18,592´ N-8º 51,345 W).

Con respecto aos **participantes**, no plan de explotación figuran **4 embarcacións e 10 tripulantes (5 prazas vacantes)**. As dúas embarcacións que non figuran con respecto a anos anteriores, decaeron do seu dereito a participar no plan de explotación polos seguintes motivos:

- A embarcación **MARQUES DOS VI-4-405** cambiou o seu porto base fora da Comunidade Autónoma de Galicia, polo que o seu permiso de explotación foi retirado.
- A embarcación **TRES HERMANOS VI-1-1289** non ten outorgadas as modalidades de recursos específicos (navalla-longuerión, algas e peneira) para o ano 2008. Agora ben, se de ser o caso, se resolvera favorablemente un recurso de alzada contra a resolución desfavorable da delegación territorial, a embarcación mantería o seu dereito a ser incluída no plan de explotación presentado, xa que o motivo de aceptar a súa exclusión no plan presentado é que non ten renovada a modalidade de algas no permiso de explotación.

Lémbrese que de acordo co Decreto 424/1993, o horario para o marisqueo desde embarcación será de 8 a 14 horas

Non se acepta a **condición establecida no apartado de observacións xerais (2.6)** para que un mergullador poda estar incluído no plan. Así, os plans de explotación son ferramentas para a xestión da explotación na que se recolle a planificación da actividade extractiva e as medidas para unha explotación sostible. Cando se trate da extracción de recursos dentro dun plan de explotación, a autorización para realizar o mergullo é concedida coa aprobación do plan para a zona e período de vixencia do mesmo, debendo a entidade presentala aprobación para efectos de seguridade que da a capitanía marítima correspondente (orde de 13 de xuño de 2001 pola que se modifica a do 23 de abril de 1999 pola que se regula o exercicio do mergullo profesional). Isto non exclúe a aprobación dun plan de explotación con participantes que por diversas causas non exercen a actividade durante todo o período de tempo autorizado, sendo necesario que comuniquen cando se incorporan á actividade extractiva e correspondendo a súa inclusión na autorización da capitanía marítima.

O plan presentado para o ano 2009, ao igual que sucedía no ano anterior, recolle no apartado de observacións xerais (2.6) que "para que un mergulladora poda ser incluído neste plan, será condición indispensable estar incluído no plan de seguridade", non facendo referencia algunha á exclusión de embarcacións. Pero á vista do exposto anteriormente, **o plan o que si podería establecer é que non poderán desenvolver a actividade sen estar incluídos no plan de seguridade**, pero esa inclusión pode ser por un tempo determinado e non obrigatoriamente por toda a vixencia do plan.



O informe sobre a actividade de mergullo emitido en data 14.11.2008 é favorable a realización das inmersións necesarias para a execución do plan, sempre e cando a actividade sexa aprobada a efectos de seguridade pola capitanía marítima correspondente.

Para mellorar a xestión dos bancos e evitar situacións de sobrepesca é necesario realizar un control do esforzo pesqueiro e das capturas. Polo tanto, os datos da explotación necesarios para o seguimento do banco deberán ser remitidos regularmente á delegación correspondente, de xeito que coa solicitude de apertura mensual os técnicos deberán ter recibido os datos do mes anterior. Na petición de apertura temen deberán indicar as 2 especies que pretenden explotar/día e a empresa que pretende adquirir as algas, de coñecerse.

Recomendacións para a mellora do plan:

- Presentar un calendario da actividade para o ano 2009 que indique as cantidade prevista por especie, zona e mes de traballo.
- No seguimento do plan do ano 2008 indicar a empresa que adquiriu as algas.
- Realizar unha avaliación do recurso con anterioridade ao inicio da explotación.

(1): Denominación que identifique claramente o plan. Exemplo: plan de cadelucha, plan de moluscos bivalvos, plan conxunto das confrarías de...

(2): Indicar: autorización ou zonas de libre marisqueo

(3): Indicar: a pé, dende embarcación, mergullo en apnea, con subministro de aire

(4): Indicar en negrita o que corresponda

(5): Indicar o número de días para cada mes. Exemplo: 5, 10, 15...

(6): Especificar: Kg/mariscadora/día, kg/tripulante/día, kg/mergullador/día, kg/embarcación/día,....

(7): A autorización para o desenvolvemento destas accións queda supeditada á obtención dos correspondentes permisos

(8): Marcar un X no recadro do mes correspondente

(9): Este apartado corresponderalle cubriro á administración
